

Cracoviensis Studii Univ. Sagell.
Promotiones Ordinis Philosophor.

1666 8 mens. Aprilis.



3524 kat. komp.

III.

Mag. St. Dr.

P

Pozna 3041.

Tainen Ludovici et Nicolai Praemium virtutis
et laboris XXXV. Vv. dd. juvenum lauream
Candidatorum.



V

L

D

D

P

542

PRÆMIUM
VIRTUTI, ET LABORI,
XXXV. VV. DD. SECUNDÆ
LAUREÆ CANDIDATORVM.
D U M

Sub Felicissimis Auspicijs

ILLVSTRISSIMI ET REVERENDISSIMI,
PRINCIPIS ac DOMINI,

D. ANDREÆ TRZEBICKI,

Dei & Apostolicæ sedis gratiâ
EPISCOPI CRACOVIENSIS,
DVCIS SEVERIÆ,
ALMÆ Vniuersitatis CRACOVIENSIS
CANCELLARIJ
Fauentissimi.

A

Perillustri, & Admodum Reuerendo Domino,

D. STANISLAO IVRKOWSKI,

Sacræ Theol. Doctore & Professore,
Protonotario Apostolico, Præposito S. FLORIANI,
S. GEORGII in Arce Crac: & Opatouiensi Custode,
Collegij Vladislauiani PROVISORE,
Academiæ Cracouiensis PROCANCELLARIO,

ET

GENERALI RECTORE

Vigilantissimo.

Magisterij in Artibus, & in Philosophiâ Doctoratûs,
Licentiatî ritu solenni renuntiarentur,
Amoris & gratulationis ergò.

PER

LVDOVICVM NICOLAVM TAINER, eiusdem Secunde Lauree Candidatum.

EXHIBITVM

CRAC: Apud Hæredes & Succ: LVCE Kupiß, S. R. M. Typ. A. Dñi, 1666. Die 8. Men. Apr

INSTEMMA
ILLVSTRISSIMÆDOMVS
SKARSZEVIVM.



Quidquid habet pietas, res bellica quidquid honoris,
Magnaq; consilij pectora, quidquid habent.
Continet hoc totum, priscæ virtutis Aceruo,
Excellens meritis, SKARSZEVIANA Domus.

FRANCISCVS TOKARSKI,
Philosophiæ Audit:

ILLVSTRISSIMO, ac MAGNIFICO DOMINO,
D. STANISLAO
à SKARSZE W
SKARSZEWSKI,

Castell: Małogostensi, Drochobicensi &c.
CAPITANEO : Magnæ procurationis Cracouiensis
Administratori.

Domino, & Patrono Amplissimo.



On occulta fatorum potestate euenit Illustrissime Domine, præsens quod Præmium virtuti & labori, legitime Academica in arenâ certantium; festiuos inter Apollinis plausus erectum; Tuum Amplissimum in conspectum, plus, quàm Fortunatas ad Insulas deueniat; optatamquè Tuis in manibus metam, sortiatur. Nescit quippe humi serpere Laurus, nec depressa coronare loca, magnis sed tantum culminibus debetur. Quodsi eruditi multorum labores, vel inde lucent, luci quod publicæ typo sint expressi: maiora longe, de tenello hoc mihi polliceor Opere; quod à Tuo Illustrissimo conspectu, & patrocinio, eo maiorem splendorem mutuatur, & mutuabit, quo Tu ampliores in Republica nostra florentissima honores, altiora subsellia, præminentiasq; obtines; ac obtinebis. Meretur etenim hæc omnia boni Ciuis (cuius Tu Illustrissime Domine absolutissimum exemplar es) indefessa circa communem omnium nostrum Parentem Patriam cura. Meretur auitus (quem Tu Ampliorem reddis) Maiorum splendor; Maiorum inquam quos in Illustrissima Domo Tua, bello pæceq; insignes, à multis seculis, tot numerare licet, quot in Gentilitio Tuo Aceruo, selectissima omnigenæ virtutis grana, maxima immortalis gloriæ fecunditate, Orbi Sarmatico asseruata sunt & asseruantur. Prodierunt certè ex hoc Cornucopiæ ditissimo Clarissima illa Magnorum in Republica nostra Heroum nomina, quibus tam Pontificia, quàm Senatoria dignitas splendidissime effulsit; cum alij Primatiales Regni, alij Vratislauensem Cathedralam, summa cum gloria, & Ecclesiæ D E I incremento, feliciter administrassent: alij Legationibus publicis functi, in Orbis facie, vrbiūque Principe Roma, SKARSZEVIANAM suadæ vim, & maiestatem declarassent: Alij cum A D A M O de SKARSZE W

Castellano Califfiensi, P E T R O Castellano Biechouiensi, & alijs complurimis in Senatu Polono, rem Patriæ, bonumq; publicum, maxima prudentiâ, authoritate, gravitate, promouissent. Meretur deniq; togatæ Palladis (quem in Te veneramur) eximius amor cultusq;, cum id apud Te veræ sapientiæ pretium, atq; is literarum honos sit, qui Doctissimi animi Tui, eximiam in Te præstantiam facile proficitur. Quodsi in fertilissimo illo magni pectoris Tui Aceruo, summa Tua decora, atq; virtutum eximia Ornamenta considerare vellem, intuerer profectò Diuinum quoddam, & incredibile pietatis studium, maxima in omnes, ac præcipuè in Domûs Dei decorem beneficentiæ gratiam, magni atq; saluberrimi bono publico consilij penu inexhaustum; Antiqui candoris Poloni, priscaq; virtutis, verissimam imaginem, ex quibus factum est, ut Serenissimis Polonia Principibus, ob animi tui magnitudinem, integritatem, excellentiam, rerumq; gerendarum summam dexteritatem, charissimus semper existeres, quorum in Te insignis propensio, maximis benevolentie argumentis expressa, hæcenus viget, & efflorescit. Atq; ideo iactentiam Alij Mecenates varios, mihi sufficit, si te vnicum Illustrissime Domine habuero; tuosq; semper ante Oculos versatus fuero, quo non pectus luidum mordaxq; Zoili linguâ pertingat. A tui etenim Auiti stemmatis insignibus, nil mihi possum, nisi omnia fausta fortunataq; polliceri, ac ominari. Gentilitius siquidem Aceruus Tuus quoscunq; fouet, ac tuetur, eosdem à maligna quauis inclementia propugnat, & vel aliquando immeritos, præ singulari sua humanitate meritis coronat. Exuberet ergo iam hîc Aceruus honorum gloriâ, tollatur ad Astra Eruditorum præconijs, vt secutura posteritas, ex omnibus splendoribus coaceruatum SKARSZEVIANVM Accruium, longo seculorum tractu suspiciat, ac veneretur.

Illustrissimæ Dominationis Vestræ

dedicissimus

LVDOVICVS NICOLAVS TAINER,

eiusdem Secundæ LAVRÆ CANDIDATVS

ERRANTIVM SYDERI,
STVDIORVM PATRONÆ,

Sine labe CONCEPTÆ VIRGINI,
MELOS VOTIVVM.

Diva, condignis celebrata nunquam
Laudibus Virgo, precor alma præses,
Sis metri nostri: calamumq; dextræ
ducito vatis.

Syds errantûm sine te profundas,
Quisquis inuadit Palinurus vndas,
Amplius non iam canet, illa lætum
Cymba celeusma.

Icari casum timeat, necesse,
Qui sibi fidit, neque detinetur,
A tuo Mater gremio; Tonantis
Præsidioq;

Phœbus at postquam fueris coruscans,
Nulla mortalem premet vmbra cymbam,
Nam tenebrofæ, dabis auspicata
Lumina menti.

Labe non vnquam maculata Virgo;
Pulchrior castâ niue, lilioque,
Sola primæui vitio parentis,
Nescia tangi.

Dum metri, summum capio laborem,
Dignor & dignos, celebrare laude,
Adiuues vatem minus eruditum,
Sacra Virago.

Carminis cymbam, bona solue Rectrix,
Quam, nec infensæ feriant procellæ,
Nec Notus iactet, pelagi per vndas
Atque Charybdes.

Supprimas vires Aquilonis, vt post
Tot procellosi; Duce Te recurrat
Æquoris motus; teneatque tandem
B Littus amicum

PERILLVSTRI,
Magnifico, & Admodum Reuerendo Domino,

D. STANISLAO
JVRKOWSKI,

Sacræ Theologiæ Doctori, & Professori,
Protonotario Apostolico, S. FLORIANI Præposito, S. GE-
ORGII in Arce Cracouiensi, & Opatouiensi, Custodi,
Collegij Vladislauiani PROVISORI,

ALMÆ Vniuersitatis Cracouiensis PROCANCELLARIO,
ET

GENERALI RECTORI,
Vigilantissimo.

DEBITVM GRATITVDINIS
M N E M O S T N O N.

I Am cessit tandem, rigidis Aquilonib⁹ horrens
Bruma: per alternos rediens sæuissima cursus,
Canitiemque soli lauit, surgentibus Austris
Imber; & optatos retulit mortalibus agros.
Tempus adest veris, tellus quo parturit alma.
Floreque purpureo nimium vestita superbit,
Flant Zephyri, cāpos recreantq; tepentib⁹ Austris
Luxuriant vites, & frondes explicat arbor,
Quidquid & immitis tumulauit bruma decoris,
Reddidit hoc totum, veris peramæna voluptas.
Nunc recreare iuuat mentem, syluasq; virentes
Visere, per campos violis pictosque vagari,
Aura fauet membris, frigus nec torquet & æstus.
Ergo tam læto corpus recreare studebo
Tempore; tum lucos, virides camposq; videre
Pergam; contigerit si quid metrisque notabo.
Vix iter ingressus fueram, mox obuius amnis
Pergere me vetuit, rapidas ferrique per vndas;

Sed-

Sed me trans fluuiū prouexit adunca phasellus.
Conglomerō lentos, traiecto flumine gressus,
Scandere præcelſi montis, tendoque cacumen
Vt mentem quocunq; modo recreare valerem.
Vix lentum moui gressum, Tritonia Virgo
Obuia processit, fulget caput ære corusco
Loricâ pectusque nitet, manus atq; farissâ.
Hanc ego vix supplex quo possū dignor honore
Talia mox ad me niueo de pectore promptit.
Si recreare cupis mentem, me nate sequaris
Nam mihi sunt chari, qui Palladis arte fruuntur
Hæc miror; tum illamq; sequor mox culmina summi
Cerno duo montis, Parnassi nomine dicti,
Fons vbi Pegaseus, vitreo torrente superbit,
Atque nouem residet Musarum, præses Apollo,
Iam Cytharam digitis, & eburno verbere tangēs,
Sacrâque iam tenui, modulatus carmina voce.
Pierides ramos diuellunt serpere lauros.
Dum prohibent; viridinectentes fronde coronas
A Musis, miror! cū tot sacra ferta parentur
Ad quæ Pallas ait; sic dignos dignor honore.
Est lagelonicæ I V R K O W S K I, gloria STOÆ,
Orbi, quem tanti commendant, totq; labores,
Herculeas vires quibus excessisse videtur.
Hic est, Orbis Academici qui sceptrâ gubernat
Consilioq; regit sapienti, lucidus utque
Splendescit nobis Phæbus, uirtutibus amplis.
Hic tot Academiae Doctores, totq; creauit
Doctos; præcingens viridi de fronde coronis
Tempora; mercedem soluit dignamq; laborū.
Quare cum multostali dignetur honore
A multis etiam præcingi tempora debent
Illius lauru; nec non ad sydera tolli
Laudibus, hæc roseo Pallas cum protulit ore,
Iussit abire domum, metris & cuncta notare
Onos felices VIR MAXIME, quos tua dextra
Doctorum fertis, præsentī luce, coronat.
Quas tibi Musa feret grates, quo carmine famā
Nominis illa tui celebrabit; & vnde perennes
Educet fontes laudum: sed cuncta rependat,
Posthuma fama tibi, referens per sæcula nomen.

CLARISSIMIS ET EXCELLENTISSIMIS DD.
EXAMINATORIBVS,

Clarissimo, Et Excellentissimo Domino,
M. FRANCISCO PRZEWOSKI,
Philosophiæ Doctori, Collegæ Maiori,
Cursus Vladislauiani Professori, ac interea Phi-
losophicæ facultatis Decano.

Clarissimo, & Admodum Reuerendo Domino,
M. SIMONI STANISLAO
MAKOWSKI,

Sacræ Theologiæ Bacc: Collegæ Maiori,
Canonico S. FLORIANI, Concionatori Ecclesiæ
Cathedralis Cracouiensis Regio.

Excellentissimo, ac Doctissimo Domino,
M. IOANNI RVDZKI,
Philosophiæ Doctori, Collegæ Minori,
Contubernij Iagelloniani SENIORI, grati pectoris.

Symbolum.

Palladiæ stirpis clarissima sydera, vobis
Iam mea contendit dicere Musa melos.
Sed vos, quis vatum, dignè celebrare valebit?
Tantis quis fundet, carmina digna viris.
Non si nascatur Diuini Musa Maronis
Laudibus illorum, par nec Homerus erit.
Penna Tomitani præsumat scribere vatis
PRZEWOSKI Docto, concinat Elogium
Gloria magna Sophum, Craciæ splendorq; palestra
Quem labor haud fugit, curaq; perpetua

Clarus

Clarus eras semper, tamen es in murice longè
 Clarior, ex voto Matris Academiae.
 Mutuat à splendore tuo, mens nostra nitorem
 Iudicium post tot, cum tulit illa crises.
 Insignis nec te MAKOWSKI fama recondet
 Ornant quem Cathedrae, tum calamusq; sacer
 Dogma loquens sacrum, traxisti corda virorum
 Eximie dignus, quem mea metra canant.
 In te vera nitet sapientia; Pallas & in te
 Contulit; in doctis quidquid habere potest,
 Utq; tuum Pario sculpatur Marmore nomen
 Dignus es; utq; illud posthuma saecula legant
 Ad te iam RVDZKI, contendit penna Tyronis,
 Teq; tuumq; decus, tollere ad Astrá cupit.
 Sed cum me fugiant ad laudes verba diserta
 Ingeniumq; sagax iudiciumq; graue.
 Ergo te celebrent doctæ vel Pergama Roma.
 Exaret laudes, claraq; fama tuas.
 Quid loquar! ut referam vestros O digna labores
 Lumina; Pierijs concelebranda modis,
 Iam Calamus languet, cessat iam vena Poetae;
 In vestris veniam laudibus, inueniat.



P R Æ M I V M
V I R T V T I, E T L A B O R I,
I. V. D. A N D R E Æ K R O W I C K I,

Lemma,



taliter honos.

Sunt hominum varij sensus, diuersaq; mens est,
Eximij per quam culmen honoris, amant.
Prælia sunt alijs cordi, strepitusq; tubarum.
Et magno rigidi Martis amore calent.
Sunt quos vnda iuuat maris, & res nautica ditat
Artibus hæc Pallas, cuncta tamen superat
Tu per doctrinam K R O W I C K I carpis honores.
Præcincto nobis vertice iamque micas
Annuat utq; tuis votis fors comprecor, utq;
Viuas Nestoreos, iam sine nube dies.

II. V. D. I O A N N I S T A N I S L A O
Z Y C I N S K I, Notario publ.

Lemma,



Splendidior inde.

ZYCINSKI, cythara dulce decus mea,
Permultum renitens iuridico foro.
Te mystam recipit Diua Themis sibi,
Cuius iam genium rebus in arduis
Novit: Thespiades montibus in sacris,
Iam nomen celebrant, carminibus tuum;
O sydus nitidum, Palladis inclyta;
I splendore tuo splendidior manens,
Quod Pallas, tibi iam nectat adoreas,
Virtutiq; tua munera conferat

III. V. D.

III. V. D. ALBERTO IOANNI
PODRAZINSKI,

Lemma,



Charum quia candidum,

NVllus candidior potest
Cerni flosculus, inter et
Flores Hesperidum loci,
Quam sunt Lilia candida
Mentem quæ recreant sui
Visu ; delicijs quoque.
Sic tu charus es omnibus,
Cum sis pectore candidus.
Dignum te tua candida
Nobis mens faciet Virum,
Suadæ dulcis amor quoque,
Nec non Mæonij metri,
Felix culmina gloriæ
Tangas, tempora dum geris
Sertis cincta virentibus

IV. V. D. VINCENTIO STANISLAO
ROGOWSKI,

Lemma,



Constrant iter.

STella tuo clarè num terna nitore resulget
ROGOWSKI, num tu clarus ea renites.
Talia perpendens, summe miratur utrumq;
Quod tamen in vobis, Cynthia esse videt

C2 Per

*Per cultum, poteris tu lucem ferre, Ma: hæs,;
 Stellis; Ausoniæ Palladis arte tibi.
 Hæc tibi monstrabunt, magnorum culmen honorum,
 Attribuent capiti, pluraq;serta tuo*

V. V.D. IOSEPHO STANISLAO
 KVPISZE WIC,

Lemma,



Post tot discrimina.

Qui transit mare turbidum,
 Quod flatu quatit Eolus,
 Tot discrimina sustinet
 Vitæ, quàm prius occupet
 Lætus littora, vel suam
 Iam metam teneat. tibi
 Sic venitque KVPISZE WIC,
 Qui post tanta pericula,
 Nostri examinis, inclytum
 Sertum, temporibus tenes.
 Applaudit tibi iam, nouem
 Musarum celebris chorus.
 Ergò percipe gloriæ
 Laurus; quas labor obtulit.

VI. V.D. IOANNI NYKOWSKI,

Lemma.



tanget honorũ culmen.

Fama quæ mundum peragras referet
 Litterarum celebres triumphos,

Fac

Fac precor per te volites NYKOWSKI,

Gloria suade

Dulce Musarum decus ô mearum

Iam tibi fasces, dicat en virentes,

Palladis cultus, capitijq; docti

Tempora cingit.

Multa sunt magnum tibi qua decorem

Conferent, postquam ingenium probatum

Viderint semper renitere; nec non

Artis Amorem

Perge iam felix; superesq; longos

Nestoris menses; celer utq; tangeras,

Laureis præstans, meritum labore.

Culmen honorum.

VII. V.D. IOANNI LOCHMAN.

Lemma,



In virtute tua,

Virtus militis est boni;
Armatus gladio manus,
Et Corpus clypeo æreo
Saluum semper habere, sic
Hostes ut valeat graues,
Per vim pellere fortiter
In virtute tua quoque
LOCHMAN, quod latitant bona
Quæis infesta scientiæ
Tu portenta laboribus,
Longè mente fugas tuâ
Hostes cùm gladio truces,
Post certamina Palladis
Et post Eloquij decus,
Quod magno dederas Thomæ
Dum reddis similem Cherub
Præcingent tua tempora
Musæ docta virentibus.
Lauris, floreque candido

D

VII. V.D.

VIII. V. D. BLASIO KRAVZOWSKI,

Lemma,



Vel huius auxilio.

*KRAVZOWSKI Celebris, dulce decus meum ;
Et cultor Senecæ, carmine quo canam
Te ; in quo tanta micant ingenij bona ;
Et suade Latium nectareæ decus,
Huius tu auxilio Mercurij sacras
Facundus referes per populos vices,
Vinculis Eloquij pectora vinciens,
Dignas Pyerides iam tibi concinant
Laudes carminibus, iam cytharâ sonat
Phæbus ; namq̃ tuigratia nectaris
Omnes conciliat iam tibi gratias.*

IX. V. D. MATTHIÆ STAWIARSKI,

Sac. Ord. Præmonst. Conuent, Hebd. Profess:

Lemma,



Subhactutus eris.

*Illi Cynthus occinat
Laudes ; Religio candida quem tenet,
Commendat sapientia,
Mores atquæ pij, vitaque candida,
Iam splendebis honoribus,
Sub Lauruque sacra, tutus eris, tibi
Quam fecit pietas tua,
Nec non summus amor, visque scientiæ,
Post hac clarior omnibus*

Splen.

XI

Splendesces radijs Cynthia quàm micat,
 Phæbo splendidior quoque
 STAWIARSKI remanens : Ordinis inclyti
 Semper spesque decusque eris,
 Etati niucos annumerans dies.

X. V.D. STANISLAO
 MICHNIEWIC,

Lemma.



Per ardua.

Cultor Palladis inclytæ
 Phæbi Graciaci quoque
 MICHNIEWIC; tibi iam Parens,
 Sertum nostra refert tuis
 Pandit pramia moribus
 Sensim contribuet tibi
 Virtutis bona munera
 Postquam Marte Per ardua
 Enixus proprio, Rosas
 Carpes Castalidum nouem.
 Pergas tramite comprecor
 Felici : emeritus manens.

XI. V.D. CASIMIRO HORNASKI,

Lemma,



Duce hac tutior.

Quæ duxit soleâ nouem
 Musis rupe biuertici
 Lymphas Bellerophonteus

Strepentes sonipes ; facit
 Gratum Pieridum choro
 Hæc te : quæ Duce tutior
 Iam subsellia maxima
 Conscendes : pietatis et
 Præbes signa tuâ cruce.
 Ergò quid poterit tibi,
 HORNASKI fieri magis
 Amplum ; si sapientiâ,
 Et virtute nitens eris.
 Felix perge precor meis
 Votis : tollito verticem
 Quem cinxit viridi tibi
 Serto ; pro meritis tuis
 Musarum domus inclyta.

XII. V.D. MARTINO
 DRYAKOWICZ,

Lemma,



Vnica semper.

*Phœnix vnicus est semper, & omnibus
 Sæclis, haudq̃ potest ignibus arduis
 Absumi, superans Nestoreos dies
 Pallas sic remanens vnica durat ; in
 Annos innumeros viuit & inclyta
 Quæ sertum DRYAKOWICZ tibi contulit.
 Hoc virtus meruit Doctâq̃ pectoris
 Poscit gaza tui, quàm tibi condidit
 Feruenti studio, Pallas amabilis.*

XIII. V.D. MARTINO VLADISLAO
 MIELICKI,

Lemma,



Placidis arridet ocellis.

Inclyta

Inclyta MIELICKI, *Placidis arridet ocellis.*
 Et sensus recreat, suavis odore rosa
 Recreat illa senes, miro iuvenesque decore
 Insignis flores inter & Hesperidum.
 Tullius, è rosæ contextus nectare Suadæ
 In lucem toties, prodijt ore tuo.
 Iam solito felix maiorum tramite pergas.
 Arridens doctis, Thespiadumq; choro.
 Flosculus utq; rosæ, fragrantior omnib⁹ exstet
 Virtutis roseus, sic tibi fragret odor.

**XIV. V.D. THOMÆ
 NYKOWSKI. Notario pub.**



Lemma.

Utroq; splendes.

Doctus Apollo tenet plectrum, gaudetq; sagittis,
 Mars pharetrâ clarus, Cychius atq; lyrâ.
 Nobilior Phæbi, tuâ splendidiorq; sagitta.
 NYKOWSKI; stellâ quæ nitet, atq; cruce,
 Crux pietatis adest signum, sed stella decoris,
 Quod tu mente capis, clarus utroq; micans.
 Promittit magnos tibi, Iustinianus honores
 Nec non Doctorum primus Aristoteles.
 Tu præcincta ferens clarebis tempora ferto.
 Corporis, ac mentis dotibus eximius.

**XV. V.D. ALBERTO
 MACHCINSKI,**



Lemma.

Virisq;

E

Anguis

ocellis.

Inclyta

A Nguis signa scientiæ
 Fert : Laurus sapientiæ
 MACHCINSKI hæc tibi confero,
 Nam te iam sapientiæ,
 Commendat studium tenax,
 Nec non iudicium graue.
 Felix quo tua te trahit
 Pergas mens, referens sacras
 Laurus, Craciacæ domus,
 Nec non clarus *Virisq;* sis.

XVI. V.D. MATTHIÆ STANISLAO
 ZYGMVNTOWICZ,

Lemma,



Hæc stante virebis.

D Vlcis fructus adest laboris almi,
 Laurus Craciacæ virens Minerue,
 Quæ ZYGMVNTOWICI caput coronat,
 Te cultus Sophiæ feret per Orbem
 Ad Phœbi Cytharam; tuumq; nomen;
 Hæc tu stante virebis, inter omnes
 Athletas sapientiæ, trahesq;
 Pares Nestoreis diebus Annos;
 Vatis non Calamus tuas referre,
 Virtutes animi, nec eruditum
 Nomen Laudibus extulisse, par est.
 Sed te gloria, quam mereris, inter
 Catus Palladis efferat togatos.

XVII. V.D. FRANCISCO ANATIDI,

Lemma,



Durat & lucet.

Quid

Quidquid beatum, possidet vltima
 Telluris Ora ; & diues Arabs refert,
 Quidquid Sabæi ; dant odoris,
 Cardine temporis id rotatur.
 Immota Pallas, cum sapientia ;
 Perdurat inter summa pericula ;
 Nullisq̃ue velatur tenebris
 Nec Pelagi, timet illa fluctus.
 Trucesq̃ue scyllas. KACZOROWIC tuæ
 Sic magna mentis dona sagacis et
 Cultus stagyræi laboris,
 Lumine perpetuo nitebit.
 Nec si procellis, sæuiat horridis,
 Fati maligni, fors violentior,
 Durabis illæsus, coronâ
 Matris Academiæ, coruscans.

XVII. V.D. IOANNIGEZICKI.



Lemma.

Probata.

Iam tuo confert capiti coronam,
 Pallas illustris, Lechiæ Palæstra,
 Ditibus gemmis, viridiq̃ pulchrâ
 Flore nitentem.
 Infimam nunquam retinet, Probata
 Inter Athletas tenuemq̃ sedem ;
 Surgit en virtus, celeriq̃ passu,
 Scandit honores.
 Conferat tecum, veterum triumphos
 O GEZICKI fama, licet Sophos hæc
 lætetur insignes ; poteris labore
 Tantus adesse.
 Qui caput, cinctum recipis virenti
 Fronde ; cum Doctis sociaris, vnde
 iam tui famam capies perennem ;
 Nominis ampli.

XIX. V.D. CHRYSTOPHORO
S O W I N S K I.

Lemma,



Vnita valent.

SOWINSKI celebris, Carmine concinam
Quo te; dum recipis præmia gloriæ,
Iam te consequitur perpetuum decus;
Quod virtus meruit, mens quoq; iam tua
Hæc *Vnita valent* tendere in ardua,
Nomen fama tuum, nescia commori
Iam mundo referet; cui sapientiâ
Conflabit celebres Pyramides, tuas
Dotes perpetuo tempore perferens.
I felix, decoris sisque memor tui,
Maioris cumulans præmia gloriæ.

XX. V.D. LAVRENTIO
W E S O L E C K I,

Lemma,



Prinſquam redolet dolet.

*Hortos Hesperidum mihi
Si quis commemoret cum viridarijs
Hybla; cunctaq; florida
Contemno: rubeam WESOLECI roſam
Prenſans, quæ recreat ſuo
Mentes delicio; hæc parta laboribus,
Iam metris redolet meis.
Felix perge precor quæ tibi contulit,
Affatim Alma Parens mea
Mentis perficias eximia bona,
Et vinas roſei ſacula Temporis*

XXI. V.D.

XXI. V.D. ANDREÆ SVSZYCKI,

Lemma.



Sic in perpetuum.

Quid iuuat, Cræsi radiare Ditis,
Vel Tagi fuluo celeris metallo,
Cuncta tempus conficit hæc auarum,
Perpetuum nil.

SVSZYCKI Laurus tua te coronans,
Gloriæ multò tibi plus refundet
Temporis cursu ; neque conteretur
Nec cadet vnquam.

Omnibus sæclis, celebrabit in te
Penna Doctorum, generosa facta ;
Atque virtuti faciet trophæa ?
Digna probatæ.

Prosperis pergas auibus ; decoris
Passibus tendas ; viridesque Laurus
In tui crescant Capitis Coronam,
Viueque felix.

XXII. V.D. AVGVSTINO
CZYRZYCKOWIC,

Lemma,



Non frustra.

Tempus conterit in dies
Auceps ; retia construit
Adscit socios sibi,
Ut captet volucres vagas
Pressus tumq, laboribus
Fructum possideat, satis

F

Exilem

*Exilem, neq; comparem,
Felix CYRZYKOWI tuus
Non frustra est labor arduus,
Intra Craciacam scholam,
Lauri præmia qui tenet.*

XXIII. V. D. AMBROSIO
SZALEWIC,

Lemma,



Non dormit qui custodit.

Felices teneris dicant ab annis
Qui sese studijs, legendo fructus,
In sudantq; libris, merentur horum
Cingi tempora, floridis Coronis,
SZALEWIC, tibi Craciæ Minerua
Doctas, atq; tuo sacrat labori
Laurus, cuius eras sequax fidelis.
Tu iam perpetuo, vigebis inter
Nostræ Craciacæ scholæ nitores;
Iustè præmia, nam meretur ille,
*Qui non dormit, Apollinis recessus
Sed custodit, & arduos labores.*

XVIV. V. D. JOANNI KROPICKI,

Lemma,



Nil sine labore.

Contulit alma Parens nobis natura, Labore
Nil sine continuo,
Pingue solum lacerant tauri, glebasq; iacentes,
Diuidit agricola :
Vix rigida Cælo, noctis descendit imago,
Lucifer atq; nitet,

Rusti-

*Rusticus en pellit solers ad aratra iuuenos,
 Votaq̃ fert Cereri,
 Te quoq̃ KROPACKI Laurus iam Palladi alma
 Esse cupit Vigilem,
 Est tibi mens studij, quam tu seruare labore
 Perpetuo poteris,
 Perge precor, Pilius viuas Annosq̃ beatus;
 Tempora cineta ferens.*

XXV. V.D. STANISLAO
 JASTRZEBSKI,

Lemma,



Hocce præmium.

Palladis quisquis sequitur Lyceum,
 Præmijs semper cumulatus ibit,
 Gloriæ Fasces referendo, culmen
 Tanget honorum.
 Mente IASTRZEBSKI sequeris sophorum
 Tractus: & quæris tibi literata
 Arte; mercedem viridis Coronæ
 Inter alumnos,
 Præmium tu percipe iam labore
 Arduo partum capiti; togatæ
 Palladi pergas radiare, clarus
 Dotibus amplis.
 Iam tibi ponet generosa virtus,
 Omnibus sæclis celebres Colossos,
 Debitos menti referens honores
 Elogiumque.

XXVI. V.D. ALBERTO
 BARDZINSKI,

Lemma,



Vivat. vivat.

Pra-

Praeclara magna progenies domus,
 Splendorq; summus, sanguinis inclyti;
 Te penna tentat predicare;
 Maxima spes, decus & tuorum.
 Hæc quot superbi Stemmata Patrio,
 Turgent auro, non meritis suis,
 Minus Palestra gloriose,
 Nomina magna colunt, togatas,
 Sophumq; laurus, & sapientiam,
 Omens inanis! (cui generis nitor;
 Consuevit haud Pallas placere)
 Perpetuâ tumultanda Nocte.
 Te laurus ornat, nobilitas quoq;
 Diti metallo gemma ceu nitet
 Inclusa, BARDZINI; tuumq;
 Non faciet sine luce nomen.
 Latere; semper quod deceat tuam
 Stirpem vetustam, Matris & inclytæ
 Laurus, tenebis quæ perenni
 Te faciet radiare Serto
 Viuat, Pelasgi sæcula Nestoris
 Viuat Parentis delictum sui
 BARDZINIVS vitæ beatos.
 Letus agat sine nube menses.

XXVII. V. D. THOMÆ
 PODREBSKI.

SS. Sepulchr. Christ. Hierosolym: Canon. Regul.
 Profess: Conuent. Miechouiens.



Lemma.

In hoc vinces.

Clarorum genitrix Miechouiæ virum
 Claustum: quod domui Craciacæ feras.
 Mentis ingenijs, & sapientiâ
 Ornatas; tibi iam multa POREMBIVS
 Debet; signa Crucis, quod referat rubræ,

Sub

Sub quæis perpetuus Miles erit Dei.
 Signo vincet & hoc, cuncta peraspera,
 I: Faustus, Capitis cinctaque tempora
 Sacret fama tui; quod meruit decus,
 Præstans Religio suadaque Cælica.

XXIX. V. D. DANIELI MAKOWSKI,

Lemma,



Viget et vigebit.

Facunde præstans MAKOWSKI munere lingua
 Eloquiq; decus,
 Nulla tibi possunt dici præconia dignè,
 Carmine Mæonio.
 Quem tot commendant Virtutes; atq; corona
 Matris Academia,
 Tu comi vultu conuincis pectora, tuq;
 Charus amicitia
 Palladis assurges tot doctos, inter Alumnos,
 Atq; celebris eris,
 Qui Cytharam pulsas, celeres mittitq; sagittas
 Cor ferit ille tuum,
 Quare commodius multis Viget, atq; vigebit
 Cor; quod Apollo probat.

XXIX. V. D. DANIELI CASTELLI,

Lemma,



Quam bene conueniunt.

Quid tellus Lechiæ? turris quam fortis & alta,
 Hosti quæ semper restitit, innumero
 Illam non Moschus, Cosacus, nec Turca valebat
 Marte domare truci, perfidus atque Succus.
 Denotat Herculeus Leo quid? num Martia castra
 Num pacem? pleno quam cupit Ore Lechus.

G

Deniq;

Denique quid magni volucris Iouis? inclyta signa
 CASTELLI videas, *quam bene conueniunt*
 Sit Tellus Lechiæ turris, Leo sit tua clara
 Vrbs; quæ te genuit, docta Parens volucris,
 In Lechicâ tellure manes, Leo te tulit Orbi,
 Alma fouet volucris, Mater Academia,
 Iam Patriæ viuas felix, vrbiq; beatus
 Et semper matri fausta precare tuæ.

XXX. V. D. PETRO KAMINSKI,

Lemma,



Tandem compos votorum.

Compos adest, tandem votorum missa sagitta
 Cum metam cursus, possidet & frugitur
 Infelix nec tu KAMINSKI digna labore
 Præmia dum recipis, fertaq; temporibus
 Fert Galenus opes, magnas tibi Dives & ipse
 Illius postquam, promptus alumnus eris
 Carpito iam fasces, Lauri præcincta tenendo
 Tempora: quam Medica, postulat artis opus.
 Hæc tu perpetuo, iam liuida pectora vinctes
 Hæc per te inualidis, fiet amica salus.

XXXI. V. D. MARTINO CHYBICKI,

Lemma,



Suauitate recreat.

Quisquis fulgidus esse vult,
 Summum nomen habereq;
 Multis artibus imbui.
 Debet, semper in ardua
 Virtus progreditur vijs
 Multis; clarior vt micet
 CHYBICKI recreas tuâ
 Qui mentes tetricas lyrâ

Prensas atque laboribus
Sertum, quot capiti tuo
Docto, nostra tulit Parens

XXXII. V. D. BALTHASARI
T V M L I N S K I.



Lemma.

Prohibet ne pereat.

Neptunum celeri, scaphâ secantes
Atrocem, metuunt graues Charybdes.
Et fluctus rapidos venusta Syren,
Ne per blanditias periclâ causet
Nautis insidijsque priuet illos
Vitâ; nauigium mari profundo
Mergens: Mox prohibent perire nauem
Fixas dum Pelago Anchoras reponunt
Fixa en Anchora TVMLINI tuorum
Et fortissima, stat basis laborum.
Quam Sophum Peripatus & Stagyra
Insigni studio, tibi dicauit.
Cuius tu Cathedram tenens; decoras
Laurus temporibus tuis creabis.

XXXIII. V. D. P E T R O
DE PROMNA PROMNICKI.



Lemma.

Eo clarior.

TV nec Obscuris tumultus umbris
Clara PROMNICKI cynosura nostrum
Quem domus splendor decorat manebis
Lumen amicum.
Exerat dulcem, mea Musa cantum
Laureas in te, celebret virentes,

G 2

Quas

ANDREAS FRANCISCVS
K R O W I C K I,
Eiusdem Secundæ Laureæ Candidat.
V. D. LVDOVICO NICOLAO
T A I N E R.

In pignus boni affectûs, Rosam candidam, florentis ingenij & naturæ elegantis symbolum offert.

Inscriptio,



Non sine gratijs.

FAcunde T A I N E R Pieridum decus.
Ocelle Suadæ, corculum Apollinis,
O eruditi, pulchra cætus
Portio; nobiliusque germen.
Quâ literatæ, munera dexteræ
Quæ contulisti prodigus ingenî
Prompta rependam largitate
Quâ Cytharæ venerabor arte.
Aurumne donem? non placitum tibi
Vndantis auri, flumine prolui,
Cui præ fodinis Indiarum
Palladiæ placuere gazæ.
Gemmaſne portem? quas liquidus, Tagi
Protrudit amnis, nulla tibi ſitis
Cydniqûe, ſecundiqûe Gangis,
Gemmiferos vacuare fundos
Te cura tantum Pieridum tenet
Adire fontes, vnaque mens tibi:
Haurire lymphas, quæis aluntur.
Aonidum: pia cura vates.
Hinc illa ſandi, gratia naſcitur,
Illudque pondus flexilis eloqui
Seu cogis in nodos ſcueri
Verba metri: numerisque ſtringis. H Seu

Seu Tulliano, viuidus impetu
Exurgis audax, legis & immemor;
Latè triumphas victa tecum
Corda rapis, penetrasque mentes.
Non ergo gemmas, non nitidi dabo
Glebas metalli, sed niueam rosam.
Hæc mentis ornamen tuæ esto
Symbolon hæc vigilis laboris
Subscribo votum sydera sint tuis
Addicta semper, pronaque nutibus
Et fausta lux quæuis recurrens
Floriferos tibi spargat imbres.

V. D. DOMINICVS ZYCHLINI,

In vim Grati animi, Lætus occinit.

A *Vdiêrat memorande tuas de Carmine laudes
Carminis ipse DEVS,
Et subito versus lætus in collibus altis
Plectra sonare iubet
Est meus hic T A I N E R socie celebrate sorores
Nomina tanta viri,
Quàm labor humanus multum ratione sagaci
Proficit, Ecce patet :
Concentus nostri quot sunt in Carminis arte
Quot Cytharæq, modi,
Lumina vel quot sunt, species vel quotque colorum
Pulchraq, dona animi,
Tot scripto rerum prostant in Carmine vultus
Tantus & ecce color,
Quin age rumpe moras Academica Pallas, & istud,
Cingere perge caput
Iam victo leniter sese discrimine fundat
Vmbra supercilij
Quem labor erectum nostra statione locauit
Maximus ornet honor.
Talìa cum PHÆBVS dulci testudine suavit
Annuit omne decus.
Et sic sollicito iusta de parte labori
Digna corona datur.*

NI,

